



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

8. Considerationes super sententiis sacræ Scripturæ

[urn:nbn:de:hbz:466:1-46004](#)

4. Dei illas nobis præscribentis intentio-
nem pariter fuisse, ut nos sancti evaderemus.

5. Quantum animabus nostris illæ confe-
rant emolumenti , omnes imperfectionum
quarumvis occasiones preſcindendo , & in
nobis vices quasi quorundam obeundo repa-
gulorum , quibus violenti naturæ nostræ im-
petus cohibeantur, atque intra suos limites co-
erceantur.

6. Considerabis denique, quanti illas hac-
tenus æstimaveris, & num illas fideliter ob-
servaveris. posteaque propones illarum obser-
vantiae inviolabiliter atque immobiliter dein-
ceps insistere.

*8. Considerationes super sententiis
sacrae Scripturae.*

Si cupis meditari super sacra Scriptura , ali-
quas oportet ex illa tibi feligas sententias,
quas deinde de verbo ad verbum expendes,
tantumque cuilibet insistes, quantum affectus
invenies, quolibet in punto supra teipsum re-
flectens, ut intelligas, quid inde elicere possis
spiritualis emolumenti.

Quòd si tamen modum hoc in argumento
te dilatandi nosse cupias. Considerabis

1. Quis ille sit , qui hancce veritatemi edi-
xit.

2. Quo fine, sensu & affectu illam pronun-
ciaverit.

3. Quomodo illam ipse prius in praxin re-
degerit.

4. Quid à nobis exigat Deus consequenter
ad veritatis istius cognitionem.

s. Quale

5. Quale hac in re exemplum nobis dereliquerint sancti, & quem inde fructum modò in æterna felicitate percipient.

6. Quomodo tu hactenus veritatis illius praxi studueris, & quid imposterum facere debeas.

7. Firmo concipies proposito inde fructum illum eliciendi, quem Deum à te requirere hac in veritate cognovisti.

9. *Considerationes de Beneficiis Dei.*

SI meditari volueris de *Dei in te beneficiis*, illa accipere poteris vel omnia simul, vel unum post aliud, aut unam cuiuslibet partem, ut tibi suppeditet meditationis materiam. Existis verò aliqua omnibus omnino hominibus sunt communia, ut *Creatio*, *Conservatio*, & *Redemptio*: alia communia quidem sunt pluribus, sed non omnibus, ut vocatio ad *Fidem* & *Justificatio*, alia sunt paucis personis peculiaria, ut vocatio ad *Religionem*, ac demum veræ pœnitentiæ & conversionis gratia: atque alia denique sunt cuiuslibet singularia, ut quod natus quis sit bonis ac virtuosis parentibus, quod sit bonæ indolis, propensus ad virtutes, bene in sua tenera ætate educatus & instrutus, à certo quodam ereptus periculo, quod plures receperit interiores Spiritus sancti inspirationes, quod aliquando gratiis illius tenerè quasi fuerit affectus, quod ab ordinariis mundi dissolutionibus ac vitiis fuerit præservatus, aut certè ab illis misericorditer revocatus, & similia. De quoilibet igitur beneficio considerare poteris:

I. Quan-